

方望溪先生全集

一



方望溪先生全集

四部叢刊初編集部

重刻方望溪先生全集序

六經四子皆載道之文而不可以文言也漢興賈誼董仲舒司馬遷相如劉向揚雄之徒始以文名猶未有文家之號唐韓氏柳氏出世乃撰以斯稱明臨海朱右取宋歐曾王蘇四家之文以輩韓柳合爲六家歸安茅氏又折而定之爲八而後此數人者相望於上下千數百年若舍是莫與爲伍自是天下論文者意有事屬若舍數人即無以繼賈馬劉揚之業夫自東漢以迄於明其間學士詞人蟻聚蜂屯不可計數一二名作先後傳誦宇內者亦如流水之相續於大川而其爲之數百十篇沛然暢然精光焰人間不可磨滅則自韓柳歐曾王蘇外終莫得焉嗚呼蓋其難哉余嘗聞其故矣其所受者不慢無以軼乎眾也其所入者不遽無以遺乎今也其所得者不廣無以肆其用也其所養者不充無以盛其發也其所踐者不實無以立其誠也日星之所以長明江海之所以不竭萬物之所以發生古之精且神於文者蓋必實有侔於此焉非是不足以與於作者是以古文之學北宋後絕響者幾五百年明正嘉中歸熙甫始克廣之然熙甫生程朱後聖道闡明其所得乃不能多於唐宋諸家我

朝有天下數十年望溪方先生出其承八家正統就文核之亦與熙甫異境同歸獨其根柢經術因事著道油

然漫漶乎學者之心而羽翼道教則不惟熙甫無以及之卽八家深於道如韓歐者亦或猶有憾焉蓋先生服習程朱其得於道者備韓歐因文見道其入於文者精入於文者精道不必深而已華妙而不可測得於道者備文若爲其所束縛未能恣肆變化然而文家精深之域惟先生掉臂游行周漢唐宋諸家義法亦先生出而後揭如星月而其文之謹嚴樸實高渾凝固又足以戢學者之客氣而清其浮言以放百數十年來奉而守者各隨其才學高下淺深皆能斷乎古不擬於正背而馳者則雖高才廣學亦虛僞浮夸半爲鑠冶之金而已先生文集久行於世第原編卷數未分亦未用古人刻書首尾相銜之法近復殘缺漫漶而集外又多關係重要之文世所未見鈞衡既授輯乃資金而全聚之以快天下心目并揭發先生明道與文之功正告海內來者知尊信而趨步也咸豐元年辛亥正月邑後學戴鈞衡謹序於味經山館

原集三序

歲辛未先君子與吾師及西漢義先生同客京師論行身所嚮西漢先生曰吾輩生元明以後孰是如千里平壤拔起萬仞高峰者乎先君子曰經緯如諸葛武侯李伯紀王伯安功業如郭汾陽李西平于忠肅文章如蒙莊司馬子長庶幾似之吾師曰此天之所爲非人所能自任也學行繼程朱之後文章介韓歐之間孰是能仰而企者西漢曰斯言也其信吾固知莊馬之可慕而心困力屈終遯乎其不可即也先君子見朋好生徒時時稱道之兆符兒時即耳熟焉既成童遂命請業師門迄今三十有三年矣雍正癸卯兆符復至京師懼吾師衰疾請編年譜手錄春秋周官說及望溪文集乃知吾師於曩言實身肩而力取之而凡有志者皆不可以自畫也吾師實行經學古文後世自能懸衡兆符不敢置一辭恐不知者以爲阿其所好也經說則始窺其樊恐言之未必有中故敘次文集既終敘識篇端以俟後之君子雍正癸卯秋八月望後三日門人王兆符撰

望溪方子文學爲世所稱而余與共事

蒙養齋入則合堂聯席出則比屋同垣晨夕居遊無不共者凡十有一年始知其宅心之實與人之忠其於幼所誦經書常陰取以自繩削而亦以望於人故居人上者必告以汰侈之召災事人者必戒以詬倅之失己爲

子弟者則警以孝弟之易虧將仕者則數舉貪人覆轍愧遺父母妻子之醜用此不好善者聞之皆陰忌以爲刺己中人以下亦苦其行之難而見謂不情每薄暮歸寓必以此日過言過行諸余聞爲發其禮義之過中者常怵然爲戒每自言於人紀中無一不愧負此心者孔子云能見其過而內自訟以余所見惟斯人而已凡行有奇袤者於眾中相接不交一語而朋友有過則盡言不諱雖入故相知者或不樂聞其言然以文學相推則知與不知無異辭隱是誠知方子之學與其文者乎方子嘗語余曰吾少好文而不好學故終老無成顏子不遷怒不貳過而孔子許爲好學使吾能以好文者好學雖愚且頑概乎必有得於身矣嗟乎非學之篤而能爲爲是言乎方子之文乃探索於經書與宅心之實與人之忠隨所觸而流焉者也故生平無不關於道教之文余共事時愛而錄之者十之四郵致者十之二姑就篋中所存編而錄之異日當刊布以示好方子之文而未知其學者乾隆五年三月混同顧琮撰

峯與北平王兆符皆以成童從學於先生兆符治經書古文而峯攻舉子業先生命之曰此術之成非潛心經訓而假道於八家之文亦未易遠於俗也時峯於韓歐之文亦粗知好焉厥後兆符自天津奉母南還僑寓金壇獨身就先生講問凡數年歲時往來淮揚必發其篋

取所得先生經說古文而錄藏之然亦未暇究切也及

康熙癸巳先生盡室北遷遂適成進士謂自是可肆力

於經書古文而先生給事海澱銓拘綴部曹往還甚艱

又公私促促少有餘暇惟流觀漢魏四唐人詩與懶性

相宜而先生素不爲詩所業未敢以請及雍正五年銓

以老母倚門告歸侍養則又欲聞先生之警咳而不可

得矣端居無事乃更發所錄藏而討論之乃知先生之

文循韓歐之軌迹而運以左史義法所發揮推闡皆從

檢身之切觀物之深而得之不惟解經之文凡筆墨所

涉莫不有六籍之精華寓焉而先生學如不及不知身

之既老每謂儒者著述生時不宜遽出二十年前銓嘗

與二三同學刻周官集註於吳門劉丈古塘刻喪服或

問於浙東龔丈孝本刻周官辨於河北先生聞之切戒

可示生徒不可繕書肆劉龔二君子既歿得其書者益

稀總督漕政御史大夫顧公惜之復刻於淮南每與銓

言先生經說不可使沈沒間出所錄先生古文則其半

皆未前見以兆符早世而銓久離先生之側也乾隆壬

戌先生告歸銓請編定古文多散在朋友生徒間失其

稿者十且三四謹就二家所錄及銓所得近稿先綴諸

版各從其類而不敢編次卷數俾海內同志知先生所

作無一不有補于道教而苟有存者不可不公傳於世

也乾隆十一年仲冬門人程銓撰

方望溪先生文集目錄

邑後學戴鈞衡重編校榮

卷一

讀經二十七首

讀古文尚書

讀大誥

讀尚書記

讀尚書又記

讀君牙問命呂刑文侯之命費誓秦誓

讀二南

讀行露

讀抑邶至曹檜十一國風

讀抑邶魏檜四國風

讀王風

讀齊風

書周頌清廟詩後

又書清廟詩後

讀周官

周官辨僞一

周官辨僞二

書周官大司馬四時田法後

讀儀禮

書考定儀禮喪服後

讀孟子

辨明堂位

書考定文王世子後

文王十三生伯邑考辨

成王立在襁褓之中辨

讀經解

書辨止周官戴記尚書後

記王雋功周公居東說

卷二

讀子史二十八首

書刪定荀子後

讀管子

讀史記八書

書禮書序後

又書禮書序後

書樂書序後

又書樂書序後

詁律書一則

書封禪書後

又書封禪書後

書史記十表後

書史記六國年表序後

書孟子荀卿傳後

書老子傳後

讀伍子胥傳

書儒林傳後

又書儒林傳後

書刺客傳後

書蕭相國世家後

書淮陰侯列傳後

書貨殖傳後

又書貨殖傳後

書太史公自序後

又書太史公自序後

書漢書禮樂志後

書漢書霍光傳後

書王莽傳後

書五代史安重海傳後

卷三

論說十四首

周公論

漢高帝論

漢文帝論

蜀漢後主論

灌嬰論

宋武帝論

于忠肅論

原人上

原人下

原過

先天後天圖說

證法

異姓爲後

韓馬說

卷四

序二十三首

禮記析疑序

周官析疑序

周官集注序

春秋通論序

春秋直解序

刪定管子荀子序

重定禮記纂言序

孫徵君年譜序

學案序

幾輔名宦志序

教忠祠祭田條目序

教忠祠規序

吳宥函文稿序

儲禮執文稿序

熊偕呂遺文序

余東木時文序

左華露時文序

楊黃在時文序

青要集序

應青山人詩序

王巽功詩說序

嚴鍾曹氏女婦貞烈傳序

李穆堂文集序

卷五

書後題跋二十六首

書韓退之學生代齋耶議後

又書學生代齋耶議後

書韓退之平淮西碑後

書祭裴太常文後

書柳文後

書柳子厚辨九桑子後

書李習之平賦書後

書李習之盧坦傳後

書邵子觀物篇後

書朱注楚辭後

書陳氏集說補正後

書歸震川文集後

書孫文正傳後

書盧象昇傳後

書楊維斗先生傳後

書浮陽王僉事家傳後

書潘允慎家傳後

書熊氏家傳後

書曹太學傳後

書王氏三烈女傳後

書孝婦魏氏詩後

書直隸新安張烈婦荆氏行實後

書烈婦東郭氏事略後

書高密單生追述考妣遺事後

題黃玉蘭夢歸圖

跋石齋黃公手札

卷六

書三十二首

與閻百詩書

與孫以簡書

答喬介夫書

與翁止園書

與李剛主書

與安徽李方伯書

與安徽李相國書

與徐司空蝶園書

與徐司空蝶園書

答某公書

與常熟蔣相國論征澤望事宜書

與孫司寇書

與顧用方論治渾河事宜書

與鄂少保論修三禮書

與鄂少保論喪服注疏之誤書

與來學圃書

與呂宗華書

答楊星亭書

答尹元孚書

答申謙居書

答程夔州書

答程起生書

與陳密旃書

與吳見山書

與某公書

與李覺菴書

與萬季野先生書

再與劉拙修書

答禮館諸君子書

答禮館纂修書

與一統志館諸翰林書

與程若韓書

卷七

贈送序二十首

送徐亮直冊封琉球序

送王鶴林南歸序

送劉函三序

贈魏方甸序

送余西麓序

贈潘幼石序

送左未生南歸序

贈淳安方文翰序

贈李立侯序

送李兩蒼序

送鍾勵服甯親宿遷序

送張又渠守揚州序

送黃玉圃巡按臺灣序

再送余西麓南歸序

贈宋西菴序

送雷惕庵歸闕序

送官庶常觀省序

送吳東巖序

贈石仲子序

贈介菴上人序

壽序六首

高素侯先生四十壽序

張母吳孺人七十壽序

李母馬孺人八十壽序

胡母潘夫人七十壽序

蔣母七十壽序

汪孺人六十壽序

卷八

傳十五首

孫徵君傳

白雲先生傳

四君子傳

左仁傳

三山林湛傳

二山人傳

孫積生傳

金陵近支二節婦傳

廬江宋氏二貞婦傳

光節婦傳

二貞婦傳

高烈婦傳

高節婦傳

釋蘭谷傳

沛天上人傳

卷九

紀事九首

左忠毅公逸事

高陽孫文正公逸事

石齋黃公逸事

明禹州兵備道李公城守死事狀

記李默齋實行

書萬烈婦某氏事

西鄰慰烈女

呂九儀妻夏氏

逆旅小子

卷十

墓誌銘三十首

李剛主墓誌銘

杜蒼略先生墓誌銘

劉古塘墓誌銘

左未生墓誌銘

王生墓誌銘

巡撫福建都察院右副都御史黃公墓誌銘

王大來墓誌銘

禮部侍郎蔡公墓誌銘

禮部尙書贈太子太傅楊公墓誌銘

廣東副都統陳公墓誌銘

知賓國府調補部員黃君墓誌銘

沈編修墓誌銘

李抑亭墓誌銘

中議大夫知廣州府張君墓誌銘

白玫玉墓誌銘

翰林院編修查君墓誌銘

禮部侍郎魏公墓誌銘

潘函三墓誌銘

顧友訓墓誌銘

陸以言墓誌銘

光祿卿呂公墓誌銘

安徽布政使李公墓誌銘

莊復齋墓誌銘

教授胡君墓誌銘

張樸村墓誌銘

劉崇函墓誌銘

陳依宣墓誌銘

陳馭虛墓誌銘

鄭友白墓誌銘

胡右鄰墓誌銘

卷十一

墓誌銘二十首

尹元孚墓誌銘

沈孝子墓誌銘

廣文陳君墓誌銘

程贈君墓誌銘

通議大夫江南布政使陳公墓誌銘

葛君墓誌銘

劉第甫墓誌銘

龔君墓誌銘

余君墓誌銘

尹大夫人李氏墓誌銘

大司寇韓城張公繼室王夫人墓誌銘

工部尚書熊公繼室李淑人墓誌銘

謝母王孺人墓誌銘

少司農呂公繼室王夫人墓誌銘

光祿卿呂公宜人王氏墓誌銘

趙孺人翟氏墓誌銘

王孺人墓誌銘

許昌順妻吳氏墓誌銘

高善登妻方氏墓誌銘

贈孺人鄭氏墓誌銘

卷十二

墓表二十四首

季瑞臣墓表

萬季野墓表

梅徵君墓表

田開先生墓表

同知紹興府事吳公墓表

吏部侍郎姜公墓表

工科給事中暢公墓表

刑部右侍郎王公墓表

朱字綵墓表

汪武曹墓表

黃際飛墓表

李世得墓表

宋山言墓表

潮州知府張君墓表

兵部尙書法公墓表

吳有函墓表

陳西臺墓表

贈通奉大夫刑部侍郎黃公墓表

詹事府少詹事翰林院侍講學士查公墓表

高仲芝墓表

王處士墓表

余處士墓表

武商平墓表

朱履安墓表

卷十三

墓表二十首

雷氏先墓表

兵部尙書范公墓表

趙處士墓表

翰林院檢討賈君墓表

刁贈君墓表

東昌鄧峰亭墓表

內閣中書劉君墓表

秦仲高墓表

完顏保及妻官爾佳氏墓表

羅烈婦李氏墓表

劉烈婦唐氏墓表

謝孺人葉氏墓表

劉中翰孺人周氏墓表

贈淑人尤氏墓表

曾孺人楊氏墓表

吳處士妻傅氏墓表

中憲大夫鄧公夫人撒克達氏墓表

陳太夫人王氏墓表

林母鄭孺人墓表

方曰崑妻李氏墓表

碑碣九首

禮部尙書陳公神道碑

理藩院員外郎贈資政大夫席公神道碑

贈右副都御史趙公神道碑

杜茶村先生墓碣

大理寺卿高公墓碣

兵部主事龔君墓碣

王彥孝妻金氏墓碣

族子根穎墓銘

龍氏文球墓銘

卷十四

記二十二首

別建曾子祠記

紵歌臺記

重建陽明祠堂記

鹿忠節公祠堂記

修復雙峰書院記

將園記

泉井鄉祭田記

赫氏祭田記

仁和湯氏義田記

遊豐臺記

遊潭柘記

再至浮山記

蒼溪鎮重修三元觀記

記尋大龍湫瀑布

趙天姥寺壁

遊廬蕩記

封氏園觀古松記

金陵會館記

築子嬰隱記

重建涇州鶴林寺記

重修清涼寺記

良鄉縣岡窪村新建通濟橋碑記

卷十五

頌銘八首

聖主親征漠北頌 康熙三十五年

萬年寶麻頌 康熙六十年

聖主躬耕藉田頌 雍正元年

聖主親詣太學頌 雍正元年

聖主躬耕藉田頌 乾隆三年

聖主臨雍禮成頌 乾隆三年

喜雨說

多福硯銘

卷十六

哀辭十二首

徐詒孫哀辭

駙馬孫公哀辭

劉北固哀辭

宣左人哀辭

武季子哀辭

阮以南哀辭

李伯子哀辭

張彝歎哀辭

王瑞峰哀辭

和風翔哀辭

僕王興哀辭

婢音哀辭

祭文八首

祭顧書宣先生文

祭張文端公文

祭王崑繩文

祭滄洲陳公文

祭左未生文

祭白侯文

與黃玉圃同祭尹少宰文

祭張母吳夫人文

卷十七

家訓四首

己亥四月示道希兄弟

甲辰示道希兄弟

己酉四月又示道希

壬子七月示道希

家傳誌銘哀辭十五首

大父馬溪府君墓誌銘

台拱園墓表

先母行略

兄百川墓誌銘

弟椒塗墓誌銘

沈氏姊生壙銘

鮑氏姊哀辭

鮑氏妹哀辭

謝季方傳

嫂張氏墓誌銘

亡妻蔡氏哀辭

兄子道希墓誌銘

兄子道希婦岳氏墓誌銘

兄孫仁壙銘

七思

卷十八

雜文十二首

兩朝

聖恩恭紀

聖訓恭紀

通敬

表徵

釋言

明史無任邱李少師傳

記夢

記百川先生遺言

答問

爲泰門高貞女糾舉本引

檄濟甯諸生會課

移山東州縣徵羣士課藝文

望溪先生文集初爲門人王兆符程鑑同輯兆符

早卒其後增輯付梓者惟鑑今本標兆符同輯者

也而亦隨時有所刪削故今世所行本前後篇數

多寡不一然程氏親炙師門其去取率奉先生意

旨故世傳程本爲先生自定今不敢以集外文煽

入謹就所見篇數最多之本凡三百八十四首爲

分卷而排次焉唐宋八家說經之文少者類入論

辨雜著多者別爲卷歐集經旨大蘇集經義是也

虞山錢氏編震川集次經解爲卷首先生湛深於

經爲之又多故程氏首區爲冊今從焉爲第一卷

大蘇評史之文凡數十首此外文家未有及先生

多者其題爲書後可區爲類程氏並讀子爲一冊

今亦從焉爲第二卷讀經讀子史皆論議文故以

論說次焉原人原過等文亦論說也爲第三卷古

人作書白敘大旨曰序後世乃倩人爲之然大抵

發明書義體近論說姚郎中古文類纂以序跋次

論辨今仿焉爲第四卷書後題跋體一也略與序

同序以加於書之成冊者發揮全信書後題跋則

隨舉一事一文而論之次序後爲第五卷陳義晰

理指事述情書之所有事也以承序跋以啟贈序

爲第六卷贈序始於唐昌黎最工自後作者皆有

壽序亦贈送之類先生不多作附贈序爲第七卷

傳者傳也傳其人之行實也文人不爲達官立傳

所傳者窮賤獨行之士婦人方外之流耳紀事傳

之別體當依類而分編之爲第八卷第九卷誌銘

碑碣金石之文體異傳而敘事同應後傳與紀事

埋石壙中曰誌立石墓上曰表曰碑曰碣銘者誌

之辭也碑碣亦可用之表則無銘先生爲之多不

能總爲一分埋銘爲第十卷十一卷表與碑碣爲

十二卷十三卷

均改爲墓表蘇厚子曰神道碑文體雖曰碑曰碣後

有標題四品已下官用碑高公官三品列用碑不

用碣而碑文必詳備此文體略稱表爲宜宋王

彥孝妻俱不宜名稱余按蘇說是也但古人墓表

無用銘蘇者韓公鄭夫人殯表通體七字詩無序

乃殯銘不可爲通例蘇公殯表初稿未用爲表

詩後改去之惟龍武將軍韓君墓表末云乃爲表

于其墓既又作詩以遺之云云亦未嘗標以銘日

立之墓誌也唐宋文人多用之于處士女族譜志

唐會要俱云隱淪道素孝義著聞者雖無爵亦賜
立賜國朝通禮庶士得慕九品官則茶村與王
彥季妻稱端似皆無礙高公錫先生私立故不稱
碑且三文中俱明古碑則止從文中所書爲是今
均依原題附記蓋君之言俾學者知標題之不可
忽也又集中杜某題墓文先標墓誌銘後改墓表
云則爲誌銘無疑今亦入理銘類焉云記亦碑文之
屬有紀事不以刻石者其體自存也次碑碣爲第
十四卷勒頌于石鑲銘于器二者亦古金石文也
喜而說意主于頌兼有箴銘意焉編爲第十五卷
哀祭源出三百篇其體屈大夫開之昌黎祭十二
郎文散行不以韻後人遂兩承之然而韻其正也
次頌銘爲第十六卷示道希四書程氏編入書類
鄙意隨事指示與家訓同先生篤于倫理家傳誌
銘哀辭至性發露自來文人莫有及者故程氏別
分爲冊七思亦哀辭也義宜入合爲第十七卷文
以類聚有文少不能成卷而於諸類未合者則以
雜文統之訂爲十八卷終焉鈞衡謹識

望溪先生文集卷一

讀經

讀古文尚書

先儒以古文尚書辭氣不類今文而疑其僞者多矣抑
思能僞爲是者誰與夫自周以來著書而各自名家者
其人可指數也言之近道莫若荀子董子取二子之精
言而措諸伊訓大甲說命之閒弗肖也而謂左邱明司
馬遷揚雄能爲之與而況其下焉者與然則其辭氣不
類今文何也嘗觀史記所采尚書於肆覲東后則易之
曰遂見東方君長太子朱啟明則曰嗣子丹朱開明有
能奮庸熙帝之載則曰有能成美堯之事者如此類不
可毛舉因是疑古文易曉必秦漢閒儒者得其書苦其
奧澀而稍以顯易之辭更之其大體則固經之本文也
無逸之篇今文也試易其一二奧澀之語則與古文二
十五篇之辭氣其有異乎遷傳儒林曰孔氏有古文尚
書而安國以今文讀之遂以起其家逸書而安國自序
其書謂科斗書廢已久時人無能知者以所聞伏生之
書考論文義定其可知者增多二十五篇夫古文既不
可知僅就伏生之書以證而得之則其本文缺漫及字
體爲伏生之書所不具者不得不稍爲增損以足其辭
暢其指意此增多二十五篇所以獨爲易曉而與伏生
之書異與然則遷所云以今文讀之者卽余所謂以顯

易之辭通其奧溼而非謂以隸書傳之也

讀大誥

昔朱子讀大誥謂周公當時欲以此變動天下而篇中大意不過謂周家辛苦創業後人不可不卒成之且反覆歸之於卜意思緩而不切殊不可曉嗚呼此聖人之心所以與天地相似而無一言之過乎物也蓋紂之罪可列數以聳人聽而武庚之罪則難爲言所可言者不過先王基業之不可棄與吉卜既得可徵天命之有歸而已夫惑人以誠不以僞此二者乃周人之實情可與天下共白之者也其於武庚則直述其鄙我周邦之言未當有一語文致其罪其於友邦君第勸以友伐厥子之私義而不敢謂大義當與周同仇也非聖人而能言不過物如是與不惟此也周初之書惟牧誓爲不雜武王數紂之罪惟用婦言棄祀事而剖心斷脛焚炙剝剔諸大惡弗及焉至於暴虐姦宄則歸獄於多罪適迷之臣故讀牧誓而知聖人之心之敬雖致天之罰吾師登罪而辭有所不敢盡也讀大誥而知聖人之心之公審己之義察人之情壹稟於天理而修辭必立其誠也然大誥之書自漢至宋千有餘年讀者莫之或疑至朱子而後得其閒焉是又治經者所宜取法也夫

讀尚書記

書說之謬悠莫如君奭篇序稱召公不悅及周公代成

王作誥而弟康叔自唐以後眾以爲疑朱子出其論始定然折之以理而未得其情也余既辨周官正戴記然後悟曰是二者亦劉歆之爲耳蓋歆承莽意作明堂記奏定居攝踐阼之儀而戴記所傳無是也故豫徵天下有逸禮古書周官文字者令記說於廷中以明堂記所自出不徒賜其書而徵其人使記說利其無稽也故前後至者以千數而又多爲之徵於文王世子之篇竄焉周未諸子言禮者莫篤於荀卿而網羅舊聞莫先於史記故於荀氏司馬氏之書亦竄焉奏稱周公踐阼而召公不悅所以採漢大臣之心而多爲之變以攜之也而於記無可附故於君奭之序竄焉而並竄管燕世家以爲之徵莽改元稱康誥王若曰朕其弟小子封以爲周公受命稱王之文則當是時尙無篇首周公作洛眾會之文也使此文前具則必引爲明證而不能虛爲矣歆知其說爲天下所心非故復竄此以設疑於後世爾蓋是篇乃伏生之書博士弟子所循誦也若早竄焉則眾譁然而辨其非矣蘇氏謂康誥之首乃洛誥錯簡羣儒因之亦非也其地其時實與多士篇應而見士於周義亦近焉蓋五服之國各登其民治而貢士於周故公因而告之然大義無存焉雖存而不論可也余憫漢唐諸儒爲歆所蔽使聖人之經受其誣而記禮者及荀氏司馬氏亦爲歆而受惡故辨其所由然後後有考焉